



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 16-49-29-180/18
Sarajevo, 28.12.2018.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničku inicijativu

Zastupnica Bibija Kerla je, na Prvoj radnoj sjednici Skupštine Kantona Sarajevo, održanoj 19.12.2018.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula zastupničku inicijativu vezanu za mogućnosti mjerenja tromjesečnog šećera u krvi u apotekama na teret sredstava obaveznog zdravstvenog osiguranja.

U vezi sa pokrenutom zastupničkom inicijativom, Ministarstvo zdravstva dostavlja sljedeći

ODG O V O R

U skladu sa Naredbom o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine ("Službene novine Federacije BiH", broj 82/14, 107/14, 58/18), laboratorijska analiza mjerenja tromjesečnog šećera u krvi, odnosno analiza glikoliziranog hemoglobina HbA1c u krvi obavlja se samo na nivou tercijarne i sekundarne zdravstvene zaštite. Validan nalaz tzv. "tromjesečnog šećera" je samo onaj koji se radi u biohemijskim laboratorijama sekundarnog i tercijarnog nivoa pod nadzorom specijaliste medicinske biohemije.

Nalaz koji se radi u apotekama je isključivo u svrhu mjerenja određenih parametara koje pacijenti mogu i samostalno odrediti u postupku samokontrole, te provođenja preventivnih mjera za očuvanje i zaštitu zdravlja stanovništva, a ne u svrhu postavljanja dijagnoze, što je u skladu sa Zakonom o apotekarskoj djelatnosti („Službene novine Federacije BiH“, broj 40/10). Nalaz koji se obavlja u apotekama je orijentacioni, te nije mjerodavan za ljekare specijaliste dijabetologe, jer se predmetna analiza vrši iz kapilarne krvi, dok se u biohemijskim laboratorijama ista vrši iz venske krvi.

Kako se navedena analiza radi i u svim privatnim biohemijskim laboratorijama na području Kantona Sarajevo, a u cilju prisupačnosti mjerenja i određivanja Hb1Ac u krvi, podnesenu inicijativu ćemo proslijediti Zavodu zdravstvenog osiguranja Kantona Sarajevo na nadležno postupanje, te rješavanje određivanja "tromjesečnog šećera u krvi" na teret sredstava obaveznog osiguranja u bi-



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1



ohemijskim laboratorijama JU Dom zdravlja Kantona Sarajevo ili putem ugovaranja sa privatnim biohemijskim laboratorijama koje rade predmetnu analizu.

S poštovanjem,



MINISTRICA

Doc.dr.scf.med. Amela Sofić



I

Dostaviti:

Naslovu

a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

